



## Terenga 3: Hōtaka 34 - Whakatau Whāinga

### He Mihi

Kei ngā rau mamaku o te wao nui a Tāne, tēnā koutou e noho mai nā i te pūāhuru o ō koutou kāinga. Nau mai ki te nehenehe o Ako. Ki konei tātou whakakoikoi ai i ā tātou toki hei tārai i te kupu, hei whakaniko i te kōrero.

### Hei Mahi Whakarongo

Mai, mai, he karakia te Māori i ngā tūmomo horopaki katoa. I te rā nei ka whakarongo tātou ki ngā whakaaro o Tame Te Rangi ki te āhua o ngā tauparapara e rangona ai i ēnei rā. Anei ā tātou pātai:

- 1) He aha te hua o te tauparapara, o te karakia, e ai ki a Tame?
- 2) He aha te wairua o ana kōrero?
- 3) He aha te take e whakamahia ana e ētehi ngā tauparapara i ēnei wā?

Kia tahuri ki te mātaki, ki te whakarongo hoki ki tētehi tīpakonga poto o te hōtaka o Whakataukī.

### He Whakamārama

Ko ngā kupu '**mutu**' me '**oti**' hei aronga mā tātou i tēnei hōtaka. Kei pōhēhē he ōrite tētehi ki tētehi. Tēnā tirohia ngā whakamārama e whai ake nei:

**mutu** = kua tae ki tētahi momo otinga, engari he wā anō pea ka rere anō  
**mutu** = *ended (time's up)*

**oti** = Kua tutuki (tētehi mahi), kua tae ki tōna mutuga tūturu, kāore he wāhi e toe tonu ana hei mahi.  
**oti** = *done (an activity has been completed)*

Anei ētehi taurira:

1. Kua **mutu** taku kai. Kua pūnaunau te whataroa a Manaia.
2. Kua **oti** i a au te utu aku nama.
3. Ka **mutu** ana te hui, ka hoki tātou ki te kāinga.
4. Kia **oti** i a koe tēnā pukapuka te pānui, tēnā homai.
5. Kua **mutu** te wā ki a koe, me tuku i te rākau kōrero ki tētehi atu.

### Hei Mahi

**Whakamāoritia ēnei rerenga.**

1. When you finish your degree, you'll be able apply for jobs.
2. When the presentation ends, turn off all the lights.
3. Have you finished sulking?
4. I've finished chapter one.
5. When this is over, we'll go.

### He Whakautu:

1. Kia oti rawa i a koe tō tohu, ka āhei te tono mahi.
2. Kia mutu te whakaaturanga, whakawetohia ngā rama.
3. Kua mutu tō whakakeke?
4. Kua oti i a au te wāhanga tuatahi.
5. Mutu ana tēnei, kua haere tāua.